



Fedde Bambaare Demngal
Wolof he nder Muritani
(APROLAWORIM)



Fedde Bambaare Pulaar he
Muritani (FBPM / (ARPRIM))



Fedde Muritani ngam
Bambaare Demngal e Pinal
Sooninke (AMPLCS)

BAYYINAANGO

Ngam laawdingol e naattingol timmungol demde ngenndiije nder tippudi nehdi e janđe Muritani

Tuggi 1960 faade hannde, mbayliigaaji janđe keewdi mbadaama he Muritani (1959, 1967, 1973, 1979, 1984 e 1999). Kañji kala ko di mbayliigaaji politik e/walla miijooji, badaadi he nder ngonka iñcuru. Hay heen mbayliigu ngootu teskaaki keewal pine leydi ndii, hay heen ngootu yahdaani e joggande ndimaagu, e bambaare e demokaraasi, alaa ko haali joggande besngu leydi ndii he kuubal mum. Di meedaa beteede beto goonganteewo. Ine jeyaa e badte dii mbayliigaaji, joŋgol burtungol sukaabe be demngal mum en neeniwal wonaa Arab.

Ine foti teertinen wonde, tuggi 1979 haa 1989, Muritani dañii humpito yuumtungo he nder janningol sukaabe leyɗi men he nder demde ngenndiije leydi ndii fof, hono arab, pulaar, sooninke e wolof. Sibu, he hitaande 1979 laamu Muritani sosii Duɗal Demde Ngenndiije (D'DNG), ngam heblanaade ciynugol mbayliigu Tippudi Nehdi e Janđe (TNJ) tuugiingu he demde ngenndiije, he hitaande 1985, ngu halfini dum hoolkisaade janningirgol fannuuji he nder demde pulaar, sooninke e wolof he denndaangal tolno janđe leslesre kam e janđe mawbe, he nder daawal duubi jeegom. E nder ngalfoon daawal duubi jeegom hoolkiso, D'DNG wadii heen golle maantinde. Betooji di sarwisaaji Jaagordu Janđe Leslesre e Hakkundeere jogiidi oon hattan, kam e Biro Diiwaniijo wonande Nehdi e Janđe he Afrik (BREDA/UNESCO), mbadnoo dii fof e yuumtude, kuftodingol ngoo jarribo kam e mbayliigu cabbanoongu nguu niilnaa e hitaande 1989, sabu tiinde hesere nde laamu nguu yettunoo he oon sahaa. Ngoo jarribo yuumtungo ngo laamu nguu dartini ko aldaa e hujja laaɗtudo, ina waawnoo wonde ndaddudi eɓbaande naatnaatondiral ngenndi duumotoongal, ngam ngootaagu ngenndi tiidngu, duumotoongu.

E tuugnaade e gefe keewde, gila e Doosgal leydi ndii, haa e njeñtudi golle Duɗal Demde Ngenndiije, kam e binndaade e sariyaaji winndere di Muritani siifi (Bayyinaango huubtodinngo joggande Aadee, Nanondiral Afrik wonande Joggande Aadee e Besnguuji ekn.), badɗindi he mum ndeenka e yellitgol keewal pine kam e hakke mo kala biyleydi jogii ngam waawde fedɗitaade nder demngal mum e pinal mum, hannde, dee kuule gorwore garooje ine maddii :

- Laawdingol demde men ngenndiije dee kala ngam wadtude de demde janđe e njuɓɓudi laamu, demde kumpital, faggudu e bambaare renndo, e raɓɓidinaade, demde kuutorteede he nder denndaangal ceŋde nguurndam ngenndi ndii.
- Naattingol jooni jooni demde pulaar, sooninke e wolof nder tippudi nehdi e janđe ; tawa ko tippudi nehdi e janđe ngaddotoondi potal fartaŋneeji wonande denndaangal biɓbe leydi ndii, tuugiindi kadi he dooftagol hakkeeji to bange demde e pinal leyɗi leydi ndii kala.

Nuwaasoot, ñalnde 18/8/2021